

Tàruia cauterəa mala YOHANA Məncəu

Tàruia Cauterəa mala Yohana ka <<Məjamgula>> na giləi aban ká a ban Gayus bʷaməgule ndahiwi. A bāləi ka məgiləgír bʷangsə Gayus ace gbasha mənana kə pakki abea aməkpata Bakuli ka, sə nunkiri arə bʷa mənana à tunəki ama Diyotərifis ka.

Agir mana abaləi ka

Məncəu1-4

À bʷangsə Gayus5-8

À bəsəki Diyotərifis9-10

À bʷangsə Demitəreyus11-12

Məsələatacau13-15

Makkun

¹ Mənia yì cauterəa ka, pur nə banam, mim bʷaməgule Yohana aban ká a ban Gayus, gyajam mem mə'məsəcau nì, mənana ən earkiyi ace raka.

² We gyajam mem mənana ən earkiyice nə məsəcau ka, eare mem ngga nda mənana ama, koya gir ka nə ginggo a kəkəri sə wu dum nə rəpwala aba nggūrəo, kəla mənana a ndanəi aba do bá bangŋo mo ka.

³ Ən pak banboarnado kərkər, nə cau mənana abea amə'eamrəarəu yiu à yì na amur do məsəcau mo kəla mana a kə gya aba məsəcau ni ka.

⁴ Bè kə banboarnado pà kàm mənana nè kúti mana bə ən ok ama, amunem ngga à nda aban gya aba məsəcau ka, dāng.

⁵ Gyajam mem mənana ən earkiyi ace raka, a nda ban ləmdə do nə məsəcau aba gbashā mənana a ké pea amə'eamrəarəu aməgya-kutio ka, ko bə do ama yia ka abəri na ka.

⁶ À yì nani ikəlisiya mənīa kani ka, ulang earcearəu mənana a ləmdəia wia ka. Ən nggə zəmbəo, nəma wu lidəmba nə pusəbəriā aba njar mənana nè pwasəbum Bakuli ka.

⁷ Acemənana gya malea ka, nda àkə ce túró mala Kərəsti, sə yia ka à kə ak kəgír a bu abwana mənana aməkwađi na raka dāng.

⁸ Səm aməkwađi ka, ndanə boaro bə səm nggə pakki a'ulang amənia yì abwana ka gbashā, ace mənana bə səm kpapi bu səm aba túró mala hamnə məsəcau.

⁹ Ən giləi ikəlisiya bə cauterəa, sə mə'earce gulo man yì Diyotərifis ka, fali nə səm dāng.

¹⁰ Bə ən yina ka, mə nə yia loasə acau mala agir mənana kə pea ka: acau kidiki bwa mənana kə nea amur səm sə təriā pà kàm raka. Nggearə mənə ka, kārəi dāng, yì nə nggearəi ka kə bīnə ak amə'eamrəarəu. Sə abwana mənana à earə à nə ea ka, kə pərkiā, sə bəa bīnəe à ea ka, kara nə pusəia, bəa purī bá ikəlisiya.

¹¹ Gyajam mem mənana ən earkiyi ace raka, ce a twal kusəu mənana məbike na ka dāng, kpata gir mənana məboarne na ka. Denyi ama bwa mənana kə pak məboarne ka, bwa mala Bakuli na. Sə bwa

mənana kə pak məbike ka, ɓwe malaká sūrè ʔakuli ɗang.

¹² ʔwapəndəa kat kə na məboarne amur Demitəreyus, ko nggearə do male ka kə ləmdə məsəcau a koya njarni. Səm gbal ka, səm nggə bang məboarne amurí, sə wu sələna ama məsəcau na səm nggə na ka.

Məsələata makkun

¹³ Mə ndanə acau pas mənana ən nggə earce mə nə no ka, sə ən earce mə nə giləia nə giləe ɗang.

¹⁴ Mə ndanə tsəkbaləu mə nə yiu a bano bani pà nə sau ɗang, sə səm nə yia nacau a kúnarə səm.

¹⁵ ʔè rəo pwalo. Agyajam mo mənana a kani ka, à kə makko kun. Makki agyajam mənana a kana ka kun, mwashat-mwashat.

Mbula-Bwazza
Portions of the Holy Bible in the Mbula-Bwazza
language of Nigeria

copyright © 2022 The Seed Company

Language: Mbula (Mbula-Bwazza)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-12

PDF generated using Haiola and XeLaTeX on 10 Sep 2025 from source files dated 12 Jul 2025

dc693218-7e0b-5547-ab57-2e0275b90e93